

ხელშეკრულება
სახელმწიფო შესყიდვების შესახებ №01-03-169

ქ. თბილისი

25 აგვისტო 2017 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის მოვალეობის დროებით შემსრულებლის მანანა რატიანის სახით;

მისამართი: ქ. თბილისი, გმირ კურსანტთა ქ. №1;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22

მიმწოდებელი: შპს „სეზანი“, წარმოდგენილი მისი დირექტორის ტარიელ შავერდაშვილის სახით;

მისამართი: ქ. თბილისი, ვირსალაძის ქ. 8;

საიდენტიფიკაციო კოდი: 203862551;

საბანკო რეკვიზიტები: სს „თბილისი ბანკი“. ბანკის კოდი: TBCBGE22, ა/ა: GE41TB0600000101467640.

ერთის მხრივ - შემსყიდველი და მეორეს მხრივ - მიმწოდებელი, ჩატარებული ელექტრონული ტენდერის (სატენდერო განცხადების N SPA170010785) შედეგების გათვალისწინებით დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „დღე“, „კვირა“, „თვე“ – კალენდარული დღე, კვირა, თვე;

1.3. ვალდებულების არაჯეროვანი შესრულება - ვალდებულების ხელშეკრულების პირობებითა შეუსაბამოდ, არასრულად, უხარისხოდ შესრულება.

1.4. ხელშეკრულებით ნაკისრი ვალდებულების შესრულების ვადების გადაცდენა- მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

2.1. ხელშეკრულების საგანს წარმოადგენს ბლოკნოტის, საქაღალდისა და ზამბარიანი რვეულის შესყიდვა, რომელთა დეტალური მახასიათებლები და რაოდენობა მითითებულია ხელშეკრულების დანართ N1-ში (22815000 - რვეულები, 22816100 - ბლოკნოტები 22852000 - საქაღალდეები).

მუხლი 3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. ხელშეკრულების საერთო ღირებულება შეადგენს **21 700** (ოცდაერთი ათას შვიდასი) ლარს.

3.3. ხელშეკრულებით გათვალისწინებული საქონლის ერთეულის ფასები მოცემულია ხელშეკრულების დანართ N1 - ში.

3.4. დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის ტრენინგების პროგრამის ფარგლებში 18235 (თვრამეტი ათს ორას ოცდათხუთმეტი) ლარი და პროგრამა „ასწავლე საქართველოსთვის“ ფარგლებში 3465 (სამი ათს ოთხას სამოცდახუთი) ლარი.

მუხლი 4. შესასყიდი ობიექტის ხარისხი

მიმწოდებელი პასუხისმგებლობას კისრულობს, რომ მიწოდებული საქონელი შეესაბამება დანართ N 1-ში მითითებულ ტექნიკურ პარამეტრებს.

მუხლი 5. შესასყიდი ობიექტის მიწოდების ფორმა, ვადები და ადგილი

5.1. შესყიდვის საგნის მიწოდების ვადაა ხელშეკრულების გაფორმებიდან 10 (ათი) კალენდარული დღე.

5.2. შესყიდვის საგნის მიწოდების ადგილია ქ.თბილისი გმირ კურსანტთა ქუჩა N 4.

მუხლი 6. შესასყიდი ობიექტის მიღება-ჩაბარების წესი

6.1. შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების კეთილსინდისიერად შესრულებას;

6.2. თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს ნაკლოვანი ან უხარისხო საქონლის შეცვლას;

6.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.4. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს სსიპ – მასწავლებელთა პროფესიული განვითარების ეროვნული ცენტრის საწყობის მენეჯერს გოჩა ბასილაიას. მიღება-ჩაბარების აქტის გაფორმების საფუძველია ინსპექტირების განმახორციელებელი პირის (პირების) დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების აქტის გაფორმებიდან 15 (თხუთმეტი) სამუშაო დღის განმავლობაში;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1. „შემსყიდველი“ ვალდებულია:

8.1.1 ხელშეკრულებით გათვალისწინებული საქონლის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ საქონლის ღირებულება.

8.2. „შემსყიდველს“ უფლება აქვს:

8.2.1 შეამოწმოს მიწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2. მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3. მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4. მოსთხოვოს მიმწოდებელს ნაკლოვანი ან უხარისხო საქონლის შეცვლა ან ნაკლის აღმოფხვრა.

8.3. „მიმწოდებელი“ ვალდებულია:

8.3.1. დაიცვას ხელშეკრულებით გათვალისწინებული ყველა პირობა;

8.3.2. გადასცეს შემსყიდველს ამ ხელშეკრულების მე-2 მუხლში აღნიშნული საქონელი საკუთრებაში;

8.3.3. ხელშეკრულებით გათვალისწინებული საქონლის მიწოდებისას აცნობოს შემსყიდველს ყველა განსაკუთრებული გარემოების შესახებ;

8.3.4. აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5. საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი ან აღმოფხვრას არსებული ნაკლი;

8.3.6. წარუდგინოს შემსყიდველს მიწოდებულ საქონელთან დაკავშირებული სრული დოკუმენტაცია.

8.4. „მიმწოდებელს“ უფლება აქვს:

8.4.1. მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

8.4.2. მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი)% ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;

10.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა ან წუნდებული საქონლის შეცვლა.

10.3. ხელშეკრულებით განსაზღვრული პირობების კონტროლს განახორციელებენ: სსიპ – მასწავლებელთა პროფესიული განვითარების ეროვნული ცენტრის საზოგადოებასთან ურთიერთობის მენეჯერი თამარ გურგენიძე და ცენტრის პროგრამის “ასწავლე საქართველოსთვის” მენეჯერი ლალი წიკლაური.

მუხლი 11. ხელშეკრულების შეწყვეტა

11.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. მიმწოდებლის გაკოტრების შემთხვევაში;

11.4.3. საქართველოს კანონმდებლობით გათვალისწინებულ სხვა შემთხვევებში;

11.5. ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

მუხლი 12. ხელშეკრულების პირობების გადასინჯვა

12.1. მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2. ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია სავარაუდო ცვლილების თარიღამდე არაუგვიანეს 5 (ხუთი) სამუშაო დღისა;

12.3. დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;

12.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1. მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

14.1. ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2017 წლის 31 დეკემბრის ჩათვლით;

მუხლი 15. დავები და მათი გადაწყვეტის წესი

15.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2. თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3. მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4. წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5. წინამდებარე ხელშეკრულება არ შეიცავს არანაირ სიტყვიერ დამატებას;

16.6. დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7. მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9. ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, 1 (ერთი) ეგზემპლარი გადაეცემა მიმწოდებელს;

16.10. ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

შემსყიდველი:

სსიპ – მასწავლებელთა პროფესიული
განვითარების ეროვნული ცენტრი



მანანა რატიაძე
დირექტორის მოვალეობის დროებით
შემსრულებელი

მიმწოდებელი:

შპს „სეზანი“



ტარიელ შავერდაშვილი
დირექტორი

ხარჯთაღრიცხვა

N	დასახელება	ტექნიკური აღწერილობა	რაოდენობა	ერთეულის ფასი	საერთო ფასი	წარმოშობის ქვეყანა	მწარმოებელი კომპანია	მარკა მოდელი (არსებობის შემთხვევაში)
1	ბლოკნოტი I	ზომა: A5 = (138x200)მმ. ყდა: დრეკადი, ტყავის გარეკანით, ლილაკიანი შესაკრავით, პასტის სამაგრი. გარეკანზე თერმომოწებით ამოტიფრული უნდა იყოს ცენტრის ლოგო. შოგთავსი: ზამზარაზე აკონძული შიდა ფურცლების ბლოკი - 300 გვერდი, ცალხაზიანი, პერფორირებული კუთხეებით და სანიშნით.	500	20.31	10155	საქართველო	შპს „სეზანი“	მარკა, მოდელი არ გააჩნია
2	ბლოკნოტი II (ეროვნული კონფერენციისთვის)	ზომა: -A5 ფორმატის, (138x200)მმ; ყდა: სქელი ტყავის ყდა, ფერი- მუქი ლურჯი, გარე ყდაზე დატანილი უნდა იყოს წარწერა: მასწავლებელთა მეხუთე კონფერენცია, ასევე მასწავლებელთა პროფესიული განვითარების ეროვნული ცენტრის ლოგო (თეთრი ფერის); შოგთავსი: გვერდები უნდა იყოს ჰორიზონტალური ზოლებით; ბლოკნოტს უნდა ჰქონდეს ლურჯი ფერის ნაჭრის სანიშნი. სულ ფურცლების რაოდენობა 180-200	350	16	5600	საქართველო	შპს „სეზანი“	მარკა, მოდელი არ გააჩნია
	ბლოკნოტი	ბლოკნოტი (2018 წლის) ტყავის ლურჯი ყდით, ყდაზე დატანილი პროგრამის „ასწავლელთა საქართველოსთვის“ სახელწოდებით; ცენტრის ლოგოთი და ვებგვერდის მისამართით;	210	16.5	3465	საქართველო	შპს „სეზანი“	მარკა, მოდელი არ გააჩნია

3	საქალაქი	დაკვეთილ მდგომარეობაში ზომა 22*31სმ; ყუ: 7მმ, 300 გრ. ცარცის ქაღალდი, ბეჭდვა (CMYK, 4+4)) ლამინირება, რელიეფური ჩანართით, 2 ჯიბით. გარე მხრიდან ბეჭდვა. ჩვენს მიერ მოწოდებული დიზაინით.	800	1.3	1040	საქართველო	შპს „სეზანი“	მარკა, მოდელი არ გააჩნია
4	ზამბარიანი სამუშაო რეგული	ზომა: A5 = (138x200)მმ, ზამბარაზე. ყდა: 300 გრ. ლურჯი, ცარცი არაპრიალა. ბლოკოტის ყდაზე დატანებული უნდა იყოს ცენტრის ლოგო, ხოლო უკანა მხარეს ცენტრის საკონტაქტო ინფორმაცია. ბეჭდვა ფერადი (CMYK 4+4)). შოთავსი: 50 ფურცელი, 115 გრ არაპრიალა ცარცი. ყველა ფურცელი უნდა იყოს ბრენდირებული (ცენტრის ლოგო), ბლოკოტის მარჯვენა ქვედა კუთხეში.	800	1.8	1440	საქართველო	შპს „სეზანი“	მარკა, მოდელი არ გააჩნია
				სულ	21700			

მხარეთა ხელმოწერები

შემსყიდველი:

სსიპ – მასწავლებელთა პროფესიული
განვითარების ეროვნული ცენტრი



მანანა რატიანი

დირექტორის მოვალეობის დროებით შემსრულებელი

მიმწოდებელი:

შპს „სეზანი“



ტარიელ შვერდიაშვილი

დირექტორი

ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმოწერით ვადასტურებთ, რომ მიმწოდებლის მიმართ (შპს „ელა“) არ ვიმყოფებით ინტერესთა კონფლიქტში.

მ. ჩიგოძე

სსიპ - მასწავლებელთა პროფესიული
განვითარების ეროვნული ცენტრის დირექტორის
მოვალეობის შემსრულებელი

/მ. რატიანი/

სსიპ - მასწავლებელთა პროფესიული
განვითარების ეროვნული ცენტრის
საზოგადოებასთან ურთიერთობის მენეჯერი

მ. გურგენიძე

/მ. გურგენიძე/

სსიპ - მასწავლებელთა პროფესიული
განვითარების ეროვნული ცენტრის პროგრამა
ასწავლე საქართველოსთვის მენეჯერი

მ. წიკლაური

/მ. წიკლაური/

სსიპ - მასწავლებელთა პროფესიული
განვითარების ეროვნული ცენტრის საწყობის
მენეჯერი

მ. მასილაია

/მ. მასილაია/

ვიზირება:

სსიპ - მასწავლებელთა პროფესიული
განვითარების ეროვნული ცენტრის შესყიდვების
კოორდინატორი

მ. გიგოლაშვილი

/მ. გიგოლაშვილი/

სსიპ - მასწავლებელთა პროფესიული
განვითარების ეროვნული ცენტრის ფინანსური
და მატერიალური რესურსების სამსახურის
უფროსის მოვალეობის დროებით შემსრულებელი

ი. თორეია

/ი. თორეია/